



Inatsisartuni Ilaasortaq
Jens NapãtôK', Parti Naleraq

Upernavik Kujallermi eqqagassalerineq pillugu § 37 naapertorlugu apeqquteqaammut nr. 073-2020-mut akissut

Asasara Jens NapãtôK'

Inatsisartut suleriaasianni § 37 naapertorlugu Upernavik Kujallermi eqqagassalerineq pillugu Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

1. Naalakkersuisut ilisimavaat nunaqarfimmi Upernavik Kujallermi/(Sornorumi) eqqaavilerisoqartanngitsoq?

Akissut:

Avannaata Kommunia nunaqarfimmi Upernavik Kujallermi eqqagassalerineq pillugu unammilligassaqartoq Naalakkersuisunit ilisimaarineqarpoq. Kisiannili 30. marts 2020-mi Upernavimmi aamma Upernaviup nunaqarfiini qaammatini pingasuni ammaannartumik nakkutigisamillu ikuallaasarnissamut Naalakkersuisut immikkut ittumik akuersissuteqarput.

2. Naalakkersuisut kommunit piumaffiginikuuat aqutaanngitsumik silami ammaannartumi eqqagassanik ikuallaasassanngitsut, tamatumalu ilaatigut kingunerisaanik Upernavik Kujalleq /(Sornoru) eqqugaasimalluni.

- a) Tamatumunnga tunngatillugu kommunit Naalakkersuisut ilisimatinnikuuat nunaqarfimmi Upernavik Kujallermi/(Sornorumi) eqqagassanik illuniit tigooraajunnarlutik eqqaavimmut eqqaasoqassaarsimasoq.

Akissut:

Apeqqut 1-imut akissuteqaat takuuk.

3. Naalakkersuisut kommunit suleqatigalugit eqqagassalerinermut pilersaaruteqarpat ajornartorsiutip aaqqiiffiqineqarnissanut nunaqarfiit eqqugaasimasut eqqarsaatigalugit?

Akissut:

Naalakkersuisut eqqagassalerinermut pilersaaruteqarput aamma kommunit namminneerlutik eqqaasarneq pillugu pilersaaruteqarput. Naalakkersuisut eqqagassalerinermut pilersaarutissatut siunnersuutaat nutaaq tamanut

Allakap ullua: 15-05-2020
Suliap normua: 2020 - 8187
Akt-id:

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

ammasumik tusarniaassutigineqareerpoq, aammalu ukioq manna tamanut ammasumik saqqummiunneqarnissaa naatsorsuutigineqarpoq.

- 4. Naalackersuisut illersoneqarsinnaasutut isigaat nalilerluglu innuttaasut eqqagassat quiminnut kælderinut allanulluunnit katersuinnaraat, uagut maajunnatutut isgiinnanngilarput, kisianni aamma peqqinnanngilluinnartutut nalilerparput taamatut eqqagassat katersuunnarneqarnerat.**

Akissut:

Eqqagassat eqqagassanut containerinut aamma eqqaaviit naatiffiini eqqaavinnut naleqquttunut isumannaatsumik isumagineqartussaapput.

Eqqagassalerinerup avatangiisinut peqqissutsimullu isumannaatsumik isumagineqarnissaanik qulakkeerinissaq kommunit akisussaaffigaat. Kisiannili Naalackersuisut Upernavimmi Upernaviullu nunaqarfiini angerlarsimaffinniit eqqakkanik ammaannartumik ikuallaasarnissamut immikkut ittumik akuersissuteqarnerannut atatillugu, kommunip aaqqiissutissanik naammattunik, eqqakkat atortut tamatumunnga akuerisat atorlugit isumagineqarnissaannik qulakkeeriffiusunik pilersitsinissaq sulissutigissavaa.

Inussiarnersumik inuulluaqqusillunga



Kim Kielsen